

**Teedüs ette: kutsumi naisi ja mihi Umalõ Pidoõ laulma!**

**Tulõman om tõnõ võrokeeline laulupido Uma Pido! Seokõrd sõs Põlvani Intsikurmun 29. mail 2010. Et naisi ja mihi laulu häste kuulda' olõssi, oodõtas naisi ja mihi, kiä egäpäävätselt koskil laulman ei käü, võrokeelitsit laulõ opma!**

Oodõtas lauluhelüga naisi nurmõlt, mihi mõtsast, küläst ja liinast, noid, kiä tütärlatsõ/poiskõsõna vai tudõngina vai ka ildampa omma' koorin laulnu, a parla ei laula; niisamatõ segäkuurõ ja -ansambliide naisi ja mihi. Nii pandas kokko projektkoori' "Naasõ nurmõlt" ja "Mehe' mõtsast" Umal Pidoõ laulmisõs. Oodõtas kõiki, kinkal om lauluhellü, noodi perrä laulmisõ mõistminõ olõ-i tähtsä!

Laulõ naatas har'otama eräle Põlva ja Võro maakunnan. Põlvani tegeles vahtsidõ lauluhimoliidsi naisiga Põlva naisikoori Mai dirigent Saidi Tammeorg ja Võrol naisikoori dirigent Helga Ilves. Miihiga tegeles mõlõmban maakunnan Võro miihikoori ja Põlvamaa miihikoori dirigent Andres Määr. Opitas selges naisi- ja miihikuurõ laulu' ja naisi-mihi osa' ütiskuurõ laulõn Umal Pidoõ laulmisõs. Seo ettevõtmisõ mõtõ olõ-i kokko kutsu vahtsit kuurõ, a panda' naisi ja mihi helü pidol kõlama. Kokko saias viis-kuus kõrda inne pito, nii, kuis vaia om.

Edimädsel kokkosaamisõl tetäs helüpruuvi, et saia' selges lauljidoõ helürühm ja pruuvi kuunlaulmist. Edespite võiva' mõnõ' proovi' olla' kuun dirigente kuurõga, a tuu ei tekütä' vahtsilõ lauljilõ kohustust võtta ossa kuurõ muust tüüst, miä olõ-i Uma Pidoõ kõüdet.

Kokko saias joba 2009. aastaga sügüse. Täpsemb teedüs edespite Saidi Tammeorult (tel 5097391), Helga Ilveselt (tel 5283549), Andres Määrilt (5284859) ja Uma Pidoõ kodolehe päält.

Tulõ' esi ja kutsu' sõbõr vai tutva kah ütän! Ku Sa arvat, et Su kodokiil om illos ja Sa olõt uhkõ uma kodokotussõ üle, sõs tulõ' ja avita' tuud tervele ilmalõ näüdätä!

**Laul hoit naasõ ilosa ja mehe kimmä! Näemi laulman!**

Triinu Ojar

II Uma Pido kõrraldustoimkund

Tel 533 22 153

P.S. No muidoki oodõtas laulma ka kõiki kuurõ, a seo teedüs oll just noilõ, kiä muido pidol püüne pääle laulma ei saa :)